



## FIXA TEMÁTICA N.7

### Metodolojia kona-ba Servisu iha Rede Sociedade Sivil nian

#### SERVISU IHA REDE SOSIEDADE SIVÍL NIAN

Iha tinan hirak ikus mai, mosu ona rede temátika sociedade sivil nian oioin. Ne'e maneira foun atu servisu ho rezultadu pozitu loos. Metodolojia servisu iha rede permite inklui membru balun ho karakterístika ne'ebé lahanesan no foti estratéjia asaun koletiva tuir objetivu komún nian.

Difikuldade ida boot liu husi organizasaun sociedade sivil relasiona ho asesu ba rekursu sira, finanseiru ka materiál (ekipamentu, meu informátiku sira, nsst.) ka umanus (ema kualifikadu). Artikulasaun iha rede bele kria oportunidade boot liu atu asesu ba rekursu sira no haforsa servisu sociedade sivil nian, liuhusi halibur esforsu no komplementaridade kompeténsia sira husi organizasaun oioin.

#### KARAKTERÍSTIKA PRINSIPÁL REDE TEMÁTICA SOSIEDADE SIVIL NIAN BA SAN

##### LUTA HASORU OBJETIVU KOMÚM

Objetivu sentrá mak luta hasoru seguransa ai-han no nutrisaun nian ba ema hotu tuir prisípiu sira Direitu Umanu ba Ai-han no Soberania Ai-han nian.

##### ORIZONTALIDADE

Laiha ierarkia. Ema sira hotu ne'ebé inklui foti desizaun no atua liuhusi maneira kompartillada depoizde konsensu. Informasaun tenke sirkula entre sira hotu no iha sentidu sira hotu. Ema hotu mak líder bainhira lori proposta servisu realista no ne'ebé tuir rede nia objetivu sira.

##### ATÓR SIRA NIA PLURALIDADE

Tenke hola parte iha rede ida SAN nian atór ONG sira lubuk ida diversifikadu, movimentu kamponés sira no agrikultura familiár, grupu foin-sa'e, organizasaun feto, grupu rai na'in, organizasaun konsumidór nian, organizasaun atu fó apoiu ba ema ho HIV/Sida, nsst.

##### DIVERSIDADE KONA-BA TEMA DISKUSAUN

Tanba SAN nia karakter multidixiplinár no intersetoriál, tenke inklui organizasaun ne'ebé iha vokasaun ba asuntu oioin hanesan: agrikultura, peska, floresta, biodiversidade, agroekolojia, asesu ba rai no rekursu sira seluk (bee, fini, kréditu) jéneru, saúde, komérsiu, nsst.

##### PARTISIPASAUN NO KOPERASAUN

Rede la'o de'it karik membru sira hotu envolve-an no iha motivasaun atu servisu hamutuk ba objetivu komún ida. Koperasaun entre membru sira no halibur konsesu sira mak hanesan ingrediente fundamentál.

##### MEMBRU SIRA-NIA INDEPENDÉNSIA

Hamutuk, membru sira hotu define rede nia objetivu sira, maské sira pertense ba rede, situasaun ne'e la limita sira-nia independénsia nu'udar organizasaun autónoma, ho nia objetivu sira rasik.

##### FLEKSIBILIDADE NO DINAMISMU

Rede nia luan bele hetan mudansa iha tempu no iha fatin tanba membru sira ne'ebé tama ka sai, depende ba sira-nia motivasaun no disponibilidade.

##### INTERVENSAUN NIA KAPILARIDADE NO ABRANJÉNSIA

Organizasaun kiik ne'ebé dok husi sentru diskusaun bele servisu hamutuk ho sira ne'ebé boot liu, no fó lian ba sira ho difikuldade boot liu atu fahe sira-nia problema no sira-nia proposta. Rede nia estrutura rasik permite mós ultrapasa fronteira nasionál, no relasiona-an ho organizasaun sira-seluk iha nível rejionál no internasionál. Ne'e haluan possibilidade atu troka esperiéncia no fahe solusaun.



# REDSAN CPLP

## REDE SOSIEDADE SIVÍL NIAN BA SEGURANSA AI-HAN NO NUTRISAUN NIAN IHA CPLP

Hahú formalmente iha fulan Juñu 2007, REDSAN-CPLP mak fatin ne'ebé artikula organizasaun sira sociedade sivil nian ne'ebé servisu hamutuk atu hametin diálogu ho governu no organizmu internacional sira, atu influensia ajenda política ba SAN, soberania ai-han nian no ba direitu umanu ba ai-han iha espasu luzófonu. REDSAN-CPLP nia komposta husi rede nasional sociedade sivil nian ne'ebé representa nasaun ida-idak Komunitade nian. Hamutuk, rede rejionál mobiliza organizasaun 400 liu.

PARSEIRU SIRA REDSAN-CPLP	
Angola	Grupo Servisu Sociedade Sivil nian kona-ba Seguransa Ai-han no Nutrisaun nian
Brazil	FBSSAN - Fórum Brasileiro Soberania no Seguransa Ai-han no Nutrisaun nian
Kabu Verde	PONG's – Plataforma ONG Kabu Verde nian
Giné-Bisau	RESSAN-GB – Rede Sociedade Sivil nian ba Soberania no Seguransa Ai-han no Nutrisaun nian iha Giné-Bisau
Mosambique	ROSA – Rede Organizaun sira ba Soberania Ai-han nian
Portugál	ReAlimentar – Rede Portuguesa ba Soberania no Seguransa Ai-han no Nutrisaun nian
Saun Tomé no Prínsipe	RESCSAN-STP – Rede Sociedade Sivil nian ba Soberania no Seguransa Ai-han no Nutrisaun nian Saun Tomé no Prínsipe

Informasaun liutan iha [www.redsan-cplp.org](http://www.redsan-cplp.org)



## PLATAFORMA AGRIKULTÓR SIRA IHA CPLP

Plataforma Agrikultór CPLP nian halibur organizasaun representativa agrikultura familiár nian no agrikultór ki'ik sira iha nasaun dalen portugés nian. Plataforma hahú nia asaun iha tinan 2012, durante Simeira Rio+20, ho objetivu atu reforsa, hamutuk, luta kona-ba defeza interese agrikultór kiik sira, kamponés no agrikultura familiár.

REDSAN-CPLP NIA PARSEIRU SIRA	
Angola	UNACA – Uniaun Nasionál Asosiasaun sira Agrikultór nian no Koperativas Agro-Pekuária sira Angola nian
Brazil	CONTAG – Konfederasaun Nasionál Traballadór sira iha Agrikultura
Kabu Verde	Asosiasaun Agrikultór Ki'ik Sira
Giné-Bisau	Federsaun Kamponeza KAFO
Mosambique	UNAC - Uniaun Nasionál Kamponés sira iha Mosambique
Portugál	CNA - Konfederasaun Nasionál Agrikultura nian
Saun Tomé no Prínsipe	FENAPA - Federsaun Nasionál Asosiasaun sira Agrikultór Ki'ik iha Saun Tomé no Prínsipe

Informasaun liutan iha [www.pccplp.com](http://www.pccplp.com)

Autór: ATUAR – Associação para a Cooperação e o Desenvolvimento. Portugal (<http://www.actuar-acd.org/>)

Publikasaun ne'e produzir ho apoiu husi União Europeia. Ho konteudu exclusiva ba responsabilidade HASATIL no mos labele, iha kasu ruma, konsidera nudar ekspresaun ba posisaun União Europeia"

Projeto de Assistência Técnica no âmbito da Competência HASATIL (n.º do Organizaun: Sociedade Sivil ba Desenvolvementu Rural iha Timor Leste (FED/2012/204-340))

Ho financiamento trusi



Koordenasaun



Parseirus



ASOS/IGU

